



André BAUDORRE

Margot

(2^{me} ÉDITION)



Prix : 15 Centimes



1905





Margot

Despuch loungtêms ençà, las hilhês dous paysàs
Qu'han dechat lous esclops encalourits de palhe ;
Anat de l'han boulhat, courrêt, séguît parsàs,
Trouberat minousès, orgulh : arré qui balhe.
Que boulét ? lous camis que soun méy sêcs e lis ;
Ta toutes, au marcat, y ha raubes e boutines ;
Dap u beroy pelhot nous caléré salis ;
E puch, héns dou coursét quin se plega, praubines !
Chapèu floucat au cap, qu'aneràn drin heya ;
— Lous hés qu'han boune aulou, lou souréllh que desbelhe —
Mês, nou-s demandét pas de biene hemeya,
Lou héms qué-s sên mechan, qu'empipautéç la pelhe.
Goarda, per lous oumprius, las auques, lous moustous,
Tricouta, ha crouchet, coubertes e dantêles ;
Hiela, nani, — lou hîu que gnaque lous poutous, —
Taus soun lous bèts tribalhs d'aquérés mamisêles.
Beroyes, de segu, ta bous n'èy pas parlat,
Qui tan pla maneyat e la hourque e la hausse .

Mantue n'èy you bist, ta dise pla bertat,
Matière coum l'ausét, pous arrous pè-descausse,
Tau coum ère Margot, hilhe dou Piarroulou,
Doun pe bau, en seguin, aci, counta l'histouère.
Qui n'habè pòu au rét, pas méy qu'à la calou,
Balente en tau tribalh, — toutu boune heretère.
Tout ço qui-s'hè pous cams, ère qu'at sabè ha.
Houtyiqua, sparse héms: adrète autan qu'ardente,
Qu'hauré laurat, dalhat, tout qu'ou hasè l'aha;
Bibe coum l'eslambrec, e toustém arridente.
Per aquo, que sabè mete u pedas quoan cau,
Lissa-s u coutilhou, ha-s u plat de caussères,
Escana-s u pourét, pluma-u biste, esbentra-u
Ha-u sauta, ha-u rousti coum nades cousinères.
Nou l'ère pas degrèu, lou dimenche mati,
De coelhe-s u bouquet e de ha sa toilète,
D'arregussa-s lou péu debat beroy sati:
La Margot, autan pla, qu'ère drin... drin couquète.
Qu'aymabe l'aygue clare oun se ban miralha.
Lous ausèts, lou cèu blu, lou sou qui n'lugarnéye.
Las flous, lous parpalhous, — més de s'amigalha
D'u bèt lurou yaméy n'habè sentit l'embeye.
Lou bounbur qu'arridè debat soun téyt nadau.
Bint ans, la cante aus pots, qu'ère maridadere,
Mes n'ère pas engoè malaude d'aquet mau:
Ta-y pensa que calou que-y pensèssen ta d'ère.
D'aulhous, soun pay, déyà que-s sentibe crouchit
En ta tiène lous bouéus, la cabesse e la dalhe,
Tabé ta sa Margot cercabe u bou marit;
Mes dinqu'aquiu n'habè troubat que rapatalhe.
Per fi que l'amuchan, u die, en u marcat,
U beroy gouyatot, sourtit de las escoles.
Escahit, emparlat, poulidou, esclicat,

E qui habè, siu digoun, u pugnat de pistoles.
 Què-s bin coum per escun, en beben lou pintou.
 D'abord parlan roumén, bits, bouéus, coum poudet crede,
 Puch batlèu lou bielhot banta sa Margoutou,
 E, courtés, qu'embita lou yoén à la bié bede.
 Qu'auques dies après, dap' lou sou mielhe amic,
 Nouste eslirat, faqui, ta s'en tira l'embéye,
 Qu'arribabe à l'oustau dou Piarroulou; per chic,
 Aqueste ère partit en ta quauque carréye,
 Més Margot qu'ère aqui, à hemeya lous bouéus,
 Lous coutilhous troussats, hemse à mièye camète,
 Lous bras nuds, e sou cap, esgarissats lous péus,
 Lous oelhs luséus pourtan e fresque la bouquéte.
 N'agrada brigue, brigue aus nabèts arribats,
 E quoan haboun u drin coumplimenteyat : « Daune,
 « Quoan tourne boste pay, diset-lou, si bous plats,
 « Nou sera pas arré lou marcat de la saume. »
 — Plà dit, respoun Margot, més moussus, attendèt :
 « Quoan cauqu'u passe aci, yaméy, m'én poudet crede,
 « Biengue d'oun biengue, ét nou quitte nous endrèt
 « Chens se repausa drin, chéns minya e chens bebe;
 « Entrat, sede-pe dounc, de tire bau tourna... »
 E, leste coum l'ausèt, la Margot, en crampete
 Se ba laba, pendia, couha, s'apachourna,
 Mét tabliè pla lissat e beroye raubete :
 Puch, aluque lou houéc, hè tranches de yambou
 Pe craque ouéus dous frescs, ha lèu hèyt la moulète,
 Mét sus la taule u drap de lì qui-s sén pla bou,
 Assiettes e coutèts, ta cadu sa serbiète,
 Pá dou tendre qui da l'aulou dou bou roumén.
 U' boutelhe de bī clarèt toute daurade...
 — Noustes faquis, credet-me, en aqueste moumén,
 Troubaben la Margot berouyine, eslirade.

« Metet-pe à taule, aném, e minyat, si bous plats. »
En biatyan de ta loéngn la hami ey arribade.
E, chéns dóu, lous moussus e s'arrouden lous plats.
Mes bebe ? La Margot sère drin desbroumbade :
N'habè pas dat nat bèyre !.. E calè bebe à pot,
Ou lhèu, coum lous paysâs au cam, à regalade !..
L'u d'éts qui nou poudé mey ha nat passe cot,
Qu'at digou : « Que credi, si hé toute estounade,
« La Margot, que per boste, escusat-me gouyat,
« Lous asous nou bebén qu'après habé minyat. »

Andrèu BAUDORRE.

(Extrait des *Reclams*.)





